



Službeni glasnik

Općine Donji Vakuf

Broj 10/03	Donji Vakuf, 01.12.2003. god.	Strana 1
------------	-------------------------------	----------

Na osnovu člana 34. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) i člana 24. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je, na sjednici održanoj 19.11.2003. godine usvojilo

REBALANS BUDŽETA OPĆINE DONJI VAKUF ZA 2003. GODINU

Član 1.

Izmijenjeni Budžet Općine Donji Vakuf za 2003. godinu sastoji se od:

PRIHOD 1 549 000 KM
TROŠKOVI 1 549 000 KM

Red. broj	Ekonom. kod	OPIS	REBALANS 2003.	PLAN 2003. GOD.	INDEX
1.	711 000	PRIHODI OD POREZA	71 000	93 000	076
	711 111	Porez na dobit	70 000	90 000	078
	711 113	Porez na autor. honorare	1 000	3 000	034
2.	713 000	POREZI NA PLAĆU	100 000	100 000	100
	713 111	Porez na plaću	80 000	80 000	100
	713 113	Porez na dodat primanja	20 000	20 000	100
3.	714 000	POREZI NA IMOVINU	143 000	180 000	075
	714 111	Porez na imovinu	40 000	40 000	100
	714 132	Porez na promet nepokret.	100 000	140 000	071
	714 121	Porez na darove i nasljeđ.	3 000	-	-
4.	715 000	POREZI NA PROMET PROIZV.	275 000	272 000	100
	715 132	Porez na promet proiz. T-1	70 000	70 000	100
	175 914	Porez na promet proiz. T-2	65 000	65 000	100
	715 141	Porez na usluge	70 000	105 000	067
	715 143	Porez na potr. ugostitelj.	25 000	25 000	100
	715 211	Porez na igre na sreću	50 000	7 000	714
5.	720 000	NEPOREZNI PRIHODI	150 000	330 000	045
	721 221	Prihodi od zemlj. rente	150 000	330 000	045
6.	722 000	PRIHODI OD TAKSA	530 000	340 000	156
	722 131	Općinska administ. taksa	350 000	260 000	135
	722 311	Kantonalna kom. taksa	80 000	80 000	100
	722 312	Koncesije	100 000	-	-
7.	730 000	TEKUĆE POTREBE	280 000	562 444	049
	732 113	Dotacija SBK prevoz učenika	10 000	10 000	100
	732 114	Dotacija SBK putevi opr.	150 000	110 000	136
	732 115	Sred. partners for devol.	20 000	20 000	100
	732 116	Komunalije	-	65 000	-
	732 117	Povrat pozajmice	-	19 600	-
	732 118	Dotacija SBK	-	100 000	-
	732 119	Dug zemlj. rente 2002. god.	100 000	237 844	-
		S V E G A :	1 549 000	1 877 444	083

I	610 000	UKUPNA PRIMANJA	540 600	540 600	100
	611 111	NETO PLAĆE	252 000	252 000	100
	611 111	POREZ NA PLAĆU	12 600	12 600	100
	611 111	DOPRINOSI NA PLAĆE	161 200	161 200	100
	611 112	REGRES	20 000	20 000	100
	611 113	TOPLI OBROK	74 800	74 800	100
	611 111	REFERENT P.F.D.	20 000	20 000	100
II	613 000	OSTALI TROŠKOVI	306 300	286 500	100
	613 100	PUTNE DNEVNICE	10 000	7 000	100
	613 110	PREVOZ UČENIKA	15 000	35 000	100
	613 111	PREVOZ ZAPOSLENIH	6 000	6 000	100
	613 112	DNEVNICE-OPĆIN. KOMISIJA	15 000	15 000	100
	613 113	PAUŠAL VIJEĆNIKA	50 000	50 000	100
	613 114	TROŠKOVI GORIVA - AUTA	15 000	10 000	100
	613 115	TROŠKOVI GRIJANJA - UGALJ	10 000	10 000	100
	613 116	TROŠKOVI EL. ENERGIJE	30 000	35 000	100
	613 800	TROŠKOVI BANK. USLUGA	2 000	2 000	100
	613 900	TROŠKOVI SLUŽB. NOVINA	8 000	5 000	160
	613 300	TROŠKOVI ČIŠĆENJA GRADA	18 800	23 000	081
	613 301	TROŠKOVI ČIŠĆENJA PROST.	2 500	2 500	100
	613 302	TROŠKOVI MRTVOZORNIKA	6 000	6 000	100
	613 303	TROŠKOVI UKLANJ. PASA	4 000	2 000	200
	613 304	TROŠKOVI PTT-a	25 000	25 000	100
	613 305	TROŠKOVI KANC. MATERIJ.	26 000	20 000	130
	613 900	TROŠKOVI REPREZENTACIJE	6 000	6 000	100
	613 901	TROŠKOVI INVESTICIONOG ODRŽAV. I NABAVKE OPREME	44 000	25 000	17
	613 700	OSTALI TROŠKOVI	10 000	-	-
	613 702	TROŠKOVI ARHIVA SREDNJE BOSNE	3 000	2 000	150
III		SVEGA: I + II	846 900	827 100	102

III	614 000	TEKUĆI TRANSFERI	721 900	1 050 344	069
	614 200	RADIO DONJI VAKUF	33 000	35 000	088
	614 200	DOM KULTURE	30 000	35 000	088
	614 202	VATROGASNO DRUŠTVO	45 000	55 000	081
	614 203	OPĆ.JAVNO PRAVOBRANILAŠ.	15 000	15 000	100
	614 204	DJEČIJI VRTIĆ	35 000	42 000	084
	614 205	CENTAR ZA SOCIJALNI RAD	75 000	80 000	094
	614 206	RVI	12 000	8 000	150
	614 206a	C.S.R.- JEDNOKRATNE POMOĆI	4 000	4 000	100
	614 207	PORODICE ŠEHIDA	6 000	6 000	100
	614 208	STIPENDIJE	25 000	25 000	040
	614 209	POLITIČKE ORGANIZACIJE	25 200	25 200	100
	614 210	CRVENI KRIŽ	8 500	10 000	085
	614 211	IZBORNA KOMISIJA	4 200	5 600	075
	614 212	OPRAVKE SVIH KUĆA	15 000	40 000	100
	614 213	PROSLAVE	7 000	7 000	100
	614 214	ALTERNATIVNI SMJEŠTAJ	40 000	40 000	100
	614 215	AJVATOVICA	5 000	5 000	100
	614 216	SPORT, FUDBAL, KOŠAR., RUK.	20 000	20 000	075
	614 217	SUBNOR	1 500	2 000	075
	614 218	UDRUŽENJE ZLATNI LJILJANI	500	1 500	030
	614 219	UDRUŽENJE SLIJEPIH	400	400	100
	614 220	UDRUŽENJE "POVRATAK"	1 150	2 000	075
	614 221	UDRUŽENJE ZELENE BERETKE	500	1 500	034
	614 222	UDRUŽENJE KULT. BAŠTINE	500	500	100
	614 223	KUD "JANJ"	1 000	2 000	100
	614 224	UDRUŽENJE ANIMA	300	1 000	034
	614 225	UDRUŽENJE "ETNO"	300	1 000	034
	614 226	UDRUŽENJE UZG. SITNIH ŽIV.	500	500	100
	614 227	UDRUŽENJE SPORT. RIBOLOV.	500	500	100
	614 228	UDRUŽENJE EKO	500	500	100
	614 229	ŠKOLAMA - EKSKURZIJE	1 500	400	375
	614 230	SPOMEN ČESMA OBORCI	3 850	5 000	077
	614 231	VATROG. DRUŠTVO PRUSAC	3 500	3 500	100
	614 232	UDRUŽENJE SUMEJJA	500	1 000	050
	614 233	INICIJ. SRED. ZA SPORT. DVOR.	20 000	40 000	050
	614 234	NIŠANI ŠEHIDIMA	10 000	10 000	100
	-	ODR. LOK. PUT. I KOM. IZGR.	150 000	100 000	150
	-	DUG IZ 2002.	79 545	337 844	036
	614 235	MJESNE ZAJEDNICE	10 000	15 000	067
	-	TROŠKOVI PRIPRAVNIKA	10 000	15 000	067
		REZERVA BUDŽETA:	20 455	32 900	066
		SVEGA: I + II + III	1 549 000	1 877 444	083

Član 2.

Ovaj Rebalans Budžeta objavit će se u "Službenom glasniku Općine Donji Vakuf".

Broj: 01/1-14-1821/03
Donji Vakuf, 19.11.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 81. i 82. Zakona o prostornom uređenju Federacije Bosne i Hercegovine ("Službene novine FBiH", broj: 52/02) i člana 34. Statuta Općine Donji Vakuf ("Službeni glasnik Općine Donji Vakuf", broj 2/98 i 2/01), Općinsko vijeće Donji Vakuf na sjednici održanoj 19.11.2003. godine donijelo je

O D L U K U
o podacima i uslovima za izdavanje
urbanističke saglasnosti

Član 1.

Radi usklađivanja potreba stanovništva za stanovanjem, radom i rekreacijom, zaštite i unapređenja životne sredine na području Općine Donji Vakuf, do donošenja razvojnih i provedbenih planova kojima se definiše politika prostornog uređenja, ovom Odlukom određuju se uslovi i podaci za izdavanje Rješenja o urbanističkoj saglasnosti.

Član 2.

Izgradnja građevine, vršenje građevinskih i drugih radova na površini i ispod površine zemlje može se odobriti ukoliko Služba za stambeno komunalne djelatnosti i prostorno uređenje utvrdi da je građevina, odnosno drugi radovi i namjena u smislu položaja, urbanističkotehničkih i drugih uslova u skladu sa Zakonom, raspoloživom prostorno-planskom dokumentacijom, ovom Odlukom i drugim zakonskim propisima kojima je regulisana ova upravna oblast.

Da je građevina i drugi radovi i namjena u skladu sa Zakonom, ovom Odlukom i drugim zakonskim propisima, te prostorno-planskom dokumentacijom, potvrđuje se izdavanjem Rješenja o urbanističkoj saglasnosti.

Član 3.

Ako dokumenti prostornog uređenja, propisani kao osnov za izdavanje urbanističke saglasnosti nisu doneseni, ili raspoloživu prostorno-plansku dokumentaciju nije moguće dosljedno primjenjivati zbog neusklađenosti sa odredbama Zakona o prostornom uređenju, Rješenje o urbanističkoj saglasnosti će se donijeti na osnovu stručnog mišljenja Komisije za davanje stručnog mišljenja koju imenuje Kantonaina skupština na prijedlog Općinskog vijeća Općine Donji Vakuf.

Komisija za davanje stručnog mišljenja sastoji se od predsjednika i dva člana komisije.

Komisija za stručno mišljenje obavezna je da stručno mišljenje sačini na osnovu uslova datih u ovoj Odluci, te odredaba Zakona o prostornom uređenju.

Stručno mišljenje treba da sadrži sve elemente neophodne za utvrđivanje urbanističko-tehničkih i drugih uslova izgradnje i korištenja građevine,

odnosno vršenja drugih zahvata u prostoru.

Komisija će kod davanja stručnih mišljenja u predmetima koji su od interesa za mjesnu zajednicu, pribaviti mišljenje Savjeta te mjesne zajednice. U slučaju da se Savjet mjesne zajednice protivi izdavanju Urbanističke saglasnosti, Komisija će, ukoliko to ocijeni kao potrebno, zatražiti da se o tome izjasni Općinsko vijeće.

Član 4.

Urbanistička saglasnost sadrži podatke o namjeni, položaju, funkciji i obliku građevine, odnosno radova, propisane saglasnosti, odnosno uslove za izgradnju nadležnih organa i službi, urbanističko-tehničke uslove, uslove zaštite sredine, posebne uslove za slučajeve propisane Zakonom ili propisima donesenim na osnovu Zakona, kao i eventualne obaveze u odnosu na susjede i prava drugih lica.

Urbanistička saglasnost sadrži iznos troškova uređenja i druge obaveze korisnika koje proističu iz korištenja odnosno prostora.

Urbanistička saglasnost sadrži uslove obavezne za građevinske radove, odnosno namjene, kako u izgradnji tako i u eksploataciji.

Član 5.

Urbanističko-tehničkim i drugim uslovima utvrđuje se naročito:

- oblik i površina građevinske parcele,
- dispozicija objekta na parceli,
- gustina izgrađenosti i koeficijent izgrađenosti,
- smjer pristupa na građevinsku parcelu i orijentaciju objekta, te nivelaciona kota ulaznog podesta,
- uslovi za arhitektonsko oblikovanje objekta (oblik, materijal, boja, pokrov, pomoćni elementi i sl.),
- odstojanje objekta od granica građevinske parcele kao i od susjednih objekata, odnosno zaštitnog pojasa infrastrukturnih objekata,
- po potrebi površine za parkiranje, odnosno garažiranje vozila,
- minimalni obim i uslovi uređenja, građevinske parcele,
- po potrebi uslovi za zaštitu od elementarnih nepogoda.

Član 6.

Zemljište namjenjeno za izgradnju treba da ima odgovarajuće geomehaničke i morfološke karakteristike (odgovarajuću nosivost, oblik i nagib), u skladu sa stručnim kriterijima i preporukama.

Na površinama koje su urbanističkim planom Donjeg Vakufa predviđene za individualno stambenu izgradnju u širem urbanom području, veličina građevinske parcele ne može biti manja od 300 m, niti veća od 700 m².

Na užem urbanom području Općine Donji Vakuf veličina građevinske parcele ne može biti manja od 300 m², niti veća od 500 m².

Iznimno, u užem urbanom području, veličina građevinske parcele može biti i manja, što je u proporcionalnoj vezi sa koeficijentom izgrađenosti u odnosnom području, o čemu ocjenu donosi Komisija za stručno mišljenje.

Građevinska parcela treba da ima približan oblik četvorougla, kod koga odnos najkraće i najduže stranice netreba prelaziti 1: 2.

Član 7.

Izgradnja građevina može se dozvoliti ukoliko je građevinsko zemljište uređeno ili će se njegovo uređenje u minimalnom obimu obezbijediti uporedo sa izgradnjom, u skladu i pod uslovima utvrđenim u urbanističkoj saglasnosti.

Kao minimalni obim uređenja građevinskog zemljišta smatra se obezbjeđenje odgovarajućeg prilaznog puta za pješački i kolski saobraćaj, snabdijevanje vodom i odvod otpadnih voda prema mjesnim prilikama, te priključak na električnu mrežu.

Član 8.

Prilaz građevinskoj parceli mora se obezbijediti neposredno sa gradske saobraćajnice ili drugog prilaznog lokalnog ili nekategorisanog puta, a u slučajevima kada to nije moguće obezbijediti, prilaz građevinskoj parceli može se izuzetno sprovesti neposredno sa regionalnog ili magistralnog puta uz saglasnost organizacije za održavanje i zaštitu puteva i pribavljeno mišljenje općinskog organa uprave nadležnog za poslove saobraćaja.

Član 9.

Prilazni put mora imati širinu od najmanje 5 metara, a radijus krivine najmanje 6 metara. Po dužini nagib prilaznog puta ne može biti veći od 15%.

Član 10.

Odnos površine građevinske parcele i površine horizontalne projekcije, te spratnosti objekta definiše se gustinom izgrađenosti odnosno koeficijentom izgrađenosti.

Gustina izgrađenosti predstavlja odnos površine horizontalne projekcije objekta i površine građevinske parcele, a koeficijent izgrađenosti predstavlja odnos bruto građevinske površine objekta (zbir površine horizontalne projekcije svih etaža) i površine građevinske parcele.

Izgradnja građevina na području Općine Donji Vakuf može se dozvoliti ako je ispunjen uslov da gustina izgrađenosti nije manja od 0,2 niti veća od 0,5, a

koeficijent izgrađenosti manji od 0,4 niti veći od 1,00.

Na području koje je Odlukom o prostornom uređenju Općine Donji Vakuf utvrđeno kao uže urbano područje gustina izgrađenosti i koeficijent izgrađenosti definišu se u odnosu na površinu omeđenu najbližim saobraćajnicama za motorna vozila ili zaštitnim pojasom vodotokova odnosno granicom užeg urbanog područja. Pri tome se moraju uzeti u obzir svi postojeći objekti bez obzira na vrstu i karakter kao i objekti čija je gradnja u toku, te objekti za koje postoji pravosnažno rješenje o urbanističkoj saglasnosti.

U slučajevima kada postoji više zahtjeva koji se odnose na izgradnju na građevinskom zemljištu unutar iste površine usaglašavanje interesa vršit će organ nadležan za poslove urbanizma u skladu sa odredbama Zakona o upravnom postupku.

Član 11.

Minimalno rastojanje izmedju susjednih objekata u pravcu okomitom na pravac javnog ili prilaznog puta iznosi 1,5 H pri čemu je H ukupna visina objekta sa većom visinom.

Rastojanje između susjednih objekata u pravcu koji je paralelan sa pravcem javnog ili prilaznog puta može biti i manji od 1,5 H pod uslovom da sučeljene fasade susjednih objekata ne sadrže druge otvore osim otvora za ventilaciju.

Izgradnja građevine ne može se dozvoliti niti kada su ispunjeni uslovi iz prethodnih stavova na rastojanju manjem od 4 metra od postojećeg odnosno planiranog objekta bez prethodne pismene saglasnosti vlasnika susjednog objekta odnosno nosioca prava trajnog korištenja odnosno investitora objekta čija je gradnja u toku na susjednoj parceli ili za takav objekat postoji pravosnažno rješenje o urbanističkoj saglasnosti.

U slučajevima kada se istovremeno vodi postupak za izdavanje rješenja o urbanističkoj saglasnosti na susjednim građevinskim parcelama usaglašavanje interesa vršit će organ nadležan za poslove urbanizma u skladu sa odredbama Zakon o upravnom postupku.

Član 12.

Minimalno odstojanje objekta od granice građevinske parcele iznosi 1 metar ako su ispunjeni uslovi iz prethodnog člana.

Izgradnja građevina na odstojanju manjem od 1 metra od granice građevinske parcele ne može se dozvoliti ni kada su ispunjeni uslovi iz prethodnog člana bez pismene saglasnosti vlasnika, odnosno nosioca prava trajnog korištenja susjedne parcele.

Član 13.

U pogledu primjene materijala konstrukcija i arhitektonskih oblika, te toplotne, zvučne, protivpožarne i zaštite od elementarnih nepogoda moraju

se poštovati tehnički propisi, normativi i standardi za projektovanje, izgradnju i upotrebu odgovarajuće vrste objekta.

Član 14.

Postojeći objekti koji se nalaze na prostoru predviđenom za individualnu stambenu izgradnju, a nisu predviđeni za rušenje, mogu se dograđivati 50% od tlocrtnne osnove, a nagrađivati, adaptirati i rekonstruisati samo ako su zadovoljeni uslovi iz ove Odluke.

Dogradnja i nadzidiivanje postojećih objekata iz prethodnog stava može se dozvoliti ukoliko je za postojeće objekte izdata pravosnažna upotrebnna dozvola.

Na postojećim objektima predviđenim za rušenje odgovarajućim Planom ili odredbama ove Odluke, ne mogu se poduzimati nikakve intervencije osim radova redovnog održavanja.

Postojeći objekti koji svojom namjenom ne odgovaraju namjeni prostora, određenoj odgovarajućim Planom ili odredbama ove Odluke, ne mogu se dograđivati, niti se na njima mogu vršiti bilo kakve konstruktivne adaptacije. Mogu se vršiti samo radovi redovnog održavanja, i to: instalaterski, stolarski, pokrivački, limarski, fasaderski i drugi slični zanatski radovi.

Član 15.

Urbanistička saglasnost za privremene građevine izdaje se samo izuzetno i sa ograničenim rokom važenja, a najduže tri godine.

Privremenom građevinom, shodno čl. 46. Zakona o prostornom uređenju Federacije Bosne i Hercegovine, smatra se građevinski objekat izgrađen ili postavljen na privremeno određenoj lokaciji za potrebe gradilišta, ili za primjenu odgovarajuće tehnologije građenja.

Privremenom namjenom, u smislu navedenog Zakona, smatra se građevinski objekat izgrađen ili postavljen u svrhu organizovanja sajmovi, javnih manifestacija i slično.

Urbanistička saglasnost iz stava 1. ovog člana sadrži obavezu investitora da po isteku roka građevinu mora ukoloniti i zemljište dovesti u prvobitno stanje, ili stanje utvrđeno urbanističkom saglasnošću, bez prava na naknadu i bez obaveze iznalaženja nove lokacije.

Izuzetno, privremeni objekti se mogu ukloniti i prije isteka roka iz stava 1. ovog člana, u slučaju privođenja zemljišta konačnoj namjeni, ili promjene privremene namjene.

Za postojeće privremene objekte, rok važenja iz stava 1. ovog člana u opravdanim slučajevima, može se periodično produžavati do privođenja zemljišta konačnoj namjeni, ili do promjene privremene namjene.

Najduži period periodičnog produženja je do tri

godine, shodno stavu 1. ovog člana Odluke.

Član 16.

Građevinsko zemljište koje se ustupa na korištenje putem konkursa ili neposrednom pogodbom ne može se ustupiti prije izdavanja urbanističke saglasnosti.

Urbanističku saglasnost za izgradnju na građevinskom zemljištu koje se ustupa na korištenje putem konkursa po službenoj dužnosti pribavlja organ nadležan za imovinsko-pravne poslove.

Ako se zemljište ustupa neposrednom pogodbom, zemljište se ne može ustupiti prije izdavanja urbanističke saglasnosti.

Član 17.

Investitor je dužan zatražiti izmjenu rješenja o urbanističkoj saglasnosti ako se poslije izdavanja urbanističke saglasnosti vrše izmjene i dopune u tehničkoj dokumentaciji odnosno projektu za izvođenje, a koje se odnose na promjenu namjene, zaštitu sredine, dimenzije ili spoljni izgled građevine. Da su izmjene i dopune u skladu sa zakonom, propisima donesenim na osnovu zakona i ovom Odlukom utvrđuje se na način definisan u stavu 1. člana 2. ove Odluke.

Član 18.

Ova odluka stupa na snagu danom objavljivanja u "Službenom glasniku općine Donji Vakuf".

Član 19.

Stupanjem na snagu ove Odluke prestaje da važi Odluka o uslovima i podacima za izdavanje urbanističke saglasnosti ("Službeni glasnik općine Donji Vakuf", broj: 1/90).

Broj: 01/1-23-1822/03

Donji Vakuf, 19.11.2003. godine

**PREDSJEDAVALJUĆI OPĆINSKOG VIJEĆA
Hadžić Džavid, dipl.ing šumarstva**

Na osnovu člana 18. i 34. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) i člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 19.11.2003. godine, donijelo je

ODLUKU

o zabrani građenja na lokalitetu «Bagina strana»

I

U cilju zaštite i očuvanja ambijentalnih i pejzažnih

vrijednosti te prepoznatljivih krajolika, jugozapadna i dio jugoistočne padine Bagine strane proglašavaju se zaštićenim područjem.

II

Polaznu tačku opisa granica zaštićenog područja čini poligona tačka broj 192, koja se nalazi u podnožju prirodnog grebena, neposredno iznad ulice Potok. Odatle se granica uspinje prirodnim grebenom u pravcu istoka prolazeći poligone tačke broj 78. i 79. te dolazi do tromeđe parcela k.p. 2591, k.p. 2594 i k.p. 2595 odakle se obara u pravcu juga do poligone tačke broj 80. Odatle se granica nastavlja u pravcu jugoistoka, poklapajući se sa granicom između k.p. 2596 i k.p. 2618, do poligone tačke broj 33.. Prateći zapadne granice parcela k.p. 2603 i k.p. 2602 granica se obara u poligonu tačku broj 84 od koje skreće u pravcu sjeveroistoka do krivine tj. dodira sa k.p. 2844.. Od ove tačke granica silazi prema jugoistoku lijevim rubom puta (gledano od Čolaka prema gradu) sve do tromeđe parcela k.p. 2847, k.p. 2849 i k.p. 2852 koja je smještena u bliskom istočnom podnožju TV odašiljača. Odatle se granica poklapa sa granicom između parcela k.p. 2847 i k.p. 2852 te idući sjeveroistočno dolazi do tromeđe ovih dviju parcela sa parcelom k.p. 2839. Od ove tačke granica se obara istočno u pravcu «Tehušinog mlina» tj. do stijena koje se nalaze neposredno iznad trupa stare pruge a sve prateći sjevernu i istočnu granicu parcele k.p. 2852. Iz pravca «Trehušinog mlina» granica skreće jugozapadno, obuhvatajući stazu kojom dolazi do podnožja Sahat-kule i parcele k.p.756.. Odatle granica skreće ka sjeverozapadu obuhvatajući dio puta za Čolake i podnožjem borove šumice dolazi do poligone tačke broj 199 a zatim nastavlja u istom pravcu kroz poligone tačke broj 198., 197., 196., 195., 193. i na kraju dolazi u polaznu poligonu tačku broj 192.

U sastav ovog zaštićenog područja spadaju i pješačke staze koje iz ulice Jaz vode do podnožja Sahat-kule, kao i pješačke staze koje se protežu cijelom dužinom podnožja jugozapadne i jugoistočne padine Bagine strane.

III

Zaštita, u smislu ove Odluke, podrazumijeva zabranu gradnje svih vrsta objekata u zaštićenom području, izuzev radova na uređenju puta Donji Vakuf-Čolaci, restauraciji Sahat-kule, dislokaciji nadzemnog voda napajanja električnom energijom GSM stanice te manjeg obima parternog uređenja - postavljanja klupa, uređenja pješačkih staza i sl.

Zaštita također podrazumijeva i zabranu sječe ili oštećenja biljnih sastojina u zaštićenom području izuzev nužnog obima sanitarne sječe.

IV


Ova Odluka primjenjivat će se do donošenja detaljnog plana uređenja, a najduže u trajanju od dvije godine po njenom usvajanju.

V

Ova Odluka stupa na snagu danom objavljivanja u "Službenom glasniku Općine Donji Vakuf".

Broj: 01/1-23-1823/03
Donji Vakuf, 19.11.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva



Na osnovu člana 8. Zakona o osnovama lokalne samouprave ("Službene novine Federacije BiH", broj: 6/95), člana 7. i 27. Zakona o lokalnoj samoupravi ("Službene novine Srednjobosanskog kantona", broj: 2/98), člana 34. i 75. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) i člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 19.11.2003. godine, donijelo je

ODLUKU

o izmjeni Odluke o načinu vršenja tehničkog pregleda objekata i određivanju troškova tehničkog pregleda

Član 1.

U Odluci o načinu vršenja tehničkog pregleda objekata i određivanju troškova tehničkog pregleda ("Službeni glasnik Općine Donji Vakuf", broj: 5/03), mijenja se član 9. i isti glasi:

"Naknadu za obavljeni tehnički pregled u visini iz prethodnog člana investitor pregledanog objekta uplaćuje na žiro račun Općine.

Od ukupnog iznosa iz stava 1. ovog člana isplaćuje se 30% Komisiji koja obavlja tehnički pregled objekata.

Komisija je dužna iz prethodnog iznosa plaćati porez na dodatna primanja".

Član 2.

Ova Odluka stupa na snagu danom objavljivanja u "Službenom glasniku Općine Donji Vakuf".

Broj: 01/1-23-1824/03
Donji Vakuf, 19.11.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 34. i 75. Statuta Općine Donji Vakuf ("Službeni glasnik Općine Donji Vakuf", broj: 2/98 i 2/01) i člana 25. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf, na sjednici održanoj 19.11.2003. godine, donijelo je

ODLUKU

o davanju saglasnosti na cjenovnik komunalnih usluga J.K.P. «GRADINA» Donji Vakuf

Član 1.

Daje se saglasnost na cjenovnik komunalnih usluga J.K.P. «GRADINA» Donji Vakuf.

Član 2.

Prilog ovoj Odluci je cjenovnik komunalnih usluga J.K.P. «GRADINA» Donji Vakuf.

Član 3.

Danom stupanja na snagu ove Odluke prestaje da važi Odluka o cjenovniku usluga J.P. «GRADINA» Donji Vakuf broj 01/1-023-165/96 od 20.01.1996. godine.

Član 4.

Ova Odluka stupa na snagu danom objavljivanja u "Službenom glasniku Općine Donji Vakuf", a primjenjivat će se od 01.01.2004. godine.

Broj: 01/1-14-1825/03
Donji Vakuf, 19.11.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

CJENOVNIK

(zaokruženje)

komunalnih usluga J.K.P. "GRADINA" Donji Vakuf
USKLAĐENE CIJENE

I CIJENA VODE ZA DOMAĆINSTVA	
1. Za domaćinstva po vodomjeru	0,10 KM/m³
- posebne vodoprivredne naknade	
a) naknada za iskorištavanje voda obračunava se 0,05 KM/m ³	0,05 KM/m³
b) naknada za zaštitu vode obračunava se 0,04 KM/m ³	0,04 KM/m³
c) naknada za korištenje koncesija obračunava se 0,90% od naknade za iskorištavanje voda	0,045 KM/m³

UKUPNA CIJENA 1 m ³ vode iznosi	0,235 KM/m³
PRIJEDLOG ZAOKRUŽENE CIJENE	0,24 KM/m³
2. Za domaćinstva paušalno - osnovica za obračun - posebne vodoprivredne naknade:	2,00 KM mjesečno
a) naknada za iskorištavanje voda obračunava se 0,05 KM x 20 m ³	1,00 KM
b) naknada za zaštitu voda obračunava se 0,04 KM x 20 m ³	0,80 KM
c) naknada za korištenje koncesija obračunava se 0,90% od cijene naknade za iskorištavanje voda (1,0KM x 90%)	0,90 KM

UKUPNO	4,70 KM/mjes.
II CIJENA KANALIZACIJE ZA DOMAĆINSTVA:	
- ista se obračunava 50% od cijene vode	
1. Za domaćinstva gdje se voda obračunava po vodomjeru (0,24 KM/m ³ x 50%)	0,12 KM/m ³
2. Za domaćinstva gdje se obračun vrši paušalno za jedan mjesec (4,70 KM/mjes. x 0,50%)	2,35 KM/mjes.
PREGLED CIJENE KOŠTANJA USLUGE VODE I KANALIZACIJE ZA DOMAĆINSTVA	
a) obračun po vodomjeru:	
- voda	0,24 KM/m³
- kanalizacija	0,12 KM/m³

UKUPNO	0,36 KM/m³
PRIJEDLOG ZA NAPLATU	0,35 KM/m³
	(zaokruženje)
b) paušalni obračun mjesečno:	
- voda	4,70 KM/mjes.
- kanalizacija	2,35 KM/mjes.

UKUPNO	7,05 KM/mjes.
PRIJEDLOG ZA NAPLATU	7,00 KM/mjes.

III CIJENA SAKUPLJANJA I ODVOZA SMEĆA ZA DOMAĆINSTVA:

- paušalna cijena sakupljanja i odvoza smeća za sva domaćinstva iznosi 2 KM za jedan mjesec. U cijenu uračunat porez na usluge u visini od 10%.

IV CIJENA USLUGE ZA DRUŠTVENE DJELATNOSTI

(škole, dom zdravlja, Općina, dječiji vrtić i dr. javne ustanove i institucije)

- | | |
|--|------------------------------|
| 1-a. cijena 1 m ³ vode (obračun po vodomjeru) | 0,20 KM/m³ |
| 1-b. paušalna cijena (obračun za jedan mjesec) | 13,00 KM/mjes. |
| | |
| 2. Cijena kanalizacije obračunava se 50% od cijene vode | |
| - obračun po vodomjeru | 0,10 KM/m³ |
| - obračun paušalno | 6,50 KM/mjes. |

NAPOMENA: na neto cijenu (i po vodomjeru i na paušal) posebno se obračunavaju vodni doprinosi za iskorištavanje voda i za zaštitu voda, kao i naknada za korištenje koncesija u istim iznosima i procentima kao i za domaćinstva.

- | | |
|---|--|
| 3. Cijena odvoza smeća za društvene djelatnosti: | |
| - obračunava se paušalno u iznosu od 10,00 KM mjesečno. Na cijenu se posebno obračunava porez na usluge u iznosu od 10% (1 KM), pa ukupna cijena odvoza smeća iznosi 11,00 KM/mjes. | |

V CIJENA USLUGA ZA PRIVREDNE SUBJEKTE

- | | |
|---|------------------------------|
| 1-a. Cijena 1 m ³ vode (obračun po vodomjeru) | 0,30 KM/m³ |
| Na neto cijenu od 0,30 KM/m ³ obračunava se naknada za iskorištavanje voda od 0,05 KM/m ³ . Naknada za zaštitu voda se ne obračunava jer je korisnik dužan sam plaćati isti doprinos u skladu sa Zakonom o vodama ("Sl. novine FBiH", broj: 18/98). | |
| 1-b. Paušalni iznos za privredne korisnike koji nemaju ugrađen vodomjer utvrđuje se sporazumno između korisnika i davaoca usluge, a na temelju djelatnosti koju obavlja, broja objekta, broja zaposlenih i drugih relevantnih pokazatelja na osnovu kojih se najpreciznije može procijeniti potrošnja vode. Osnovica za obračun je 0,30 KM/m ³ . | |
| | |
| 2. Cijena kanalizacije za privredu: | |
| - Cijena se obračunava u iznosu od 50% od cijene utroška vode ili od fakturisanog paušalnog iznosa; | |
| | |
| 3. Cijena odvoza smeća za privredu: | |
| - Za korisnike koji imaju svoje kontejnere (velike-otvorene) usluga se naplaćuje posebno, odnosno po jednoj turi u iznosu od 50,00 KM. | |
| - Za korisnike koji nemaju svoje kontejnere usluga | |

se naplaćuje u iznosu koji se sporazumno utvrdi između korisnika i davaoca usluge, a na osnovu pokazatelja kao i za obračun utroška vode.

UKUPNO

44,00 KM

VI - CIJENA USLUGE ZA OSTALE KORISNIKE:
(restorani, kafići, prodavnice, pekare, frizerski saloni, autopraonice, čevabdžinice, aščinice, picerije, zanatske radnje i sl.)

Direktor:
Sead Omeragić

- 1-a. Cijena 1 m³ vode za sve korisnike **0,30 KM/m³**
Na neto cijenu od 0,30 KM/m³ posebno se obračunava vodni doprinosi za iskorištavanje voda, za zaštitu voda kao i naknada za korištenje koncesija u skladu sa Zakonom propisanim iznosima i procentima.
- 1-b. Cijena kanalizacije obračunava se 50% od cijene 1m³ utošene vode (kako je prikazano u prethodnim slučajevima).
- 2-a. Paušalna cijena utroška vode za objekte koji nemaju ugrađen vodomjer obračunava se:
- Restorani - paušal **35,00 KM/mjes.**
 - prodavnice - paušal **7,00 KM/mjes.**

Ostali korisnici imaju ugrađene vodomjere prema kojem se i vrši obračun.

Na cijenu vode obračunavaju se vodni doprinosi kao i u prethodnim slučajevima.

3. Kanalizacija 50% od utroška vode.
4. CIJENA USLUGE ODVOZA SMEĆAZA OSTALE KORISNIKE:
- (restorani, kafići, friz. saloni, pekare, aščinice, autopraonice) **20,00 KM/mjes.**
 - prodavnice, zanatske i uslužne radnje, mesnice **15,00 KM/mjes.**
- Na gore navedenu cijenu 20,00 i 15,00 KM obračunava se porez na uslugu od 10%.

VII - OSTALE USLUGE KP

- Saglasnost za priključenje na vodovodnu i kanalizacionu mrežu:

- za stambeni objekat-kuća:

voda	70,00 KM
kanalizacija	30,00 KM
porez	10,00 KM

UKUPNO	----- 110,00 KM
--------	--------------------

- za poslovno-stambeni objekat:

voda	140,00 KM
kanalizacija	60,00 KM
porez	20,00 KM

UKUPNO	----- 220,00 KM
--------	--------------------

- saglasnost o ispunjavanju uslova kod postojećih objekata gdje se otvaraju nove radnje

otvaraju nove radnje	40,00 KM
- porez 10%	4,00 KM

Vijeće općine Donji Vakuf, na svojoj sjednici održanoj dana 19.11.2003. godine, na osnovu člana 61.Zakona o građevinskom zemljištu Federacije Bosne i Hercegovine ("Sl.novine Federacije BiH", 25/03), člana 24. Poslovnika o radu Općinskog vijeća općine Donji Vakuf ("Sl.glasnik općine Donji Vakuf", broj:1/98, 3/98 i 2/01) i člana 200.Zakona o upravnom postupku ("Sl.novine Federacije BiH", broj: 2/98 i 48/99), postupajući po zahtjevu JOVIĆ ĐUKA r.Gajić kćeri Laze privremeno nastanjena u Banja Luci u predmetu utvrđivanja prava vlasništva na izgrađenom građevinskom zemljištu društvene-državne svojine, donosi

RJEŠENJE

1.UTVRĐUJE SE da JOVIĆ ĐUKA r.Gajić kći Laze iz Donjeg Vakufa, nastanjena u Banja Luci, IMA PRAVO VLASNIŠTVA građevinskog zemljišta društvene-državne svojine evidentirano kao k.č.965/13 površine 113 m² iz z.k.ul.2409 u k.o.Donji Vakuf i k.č.965/16 površine 229 m² iz z.k.ul.NOVI u k.o.Donji Vakuf, a identično katastarskoj parceli k.p.1949/2 površine 342 m² iz p.l.565 u k.o.Donji Vakuf I.

2.UTVRĐUJE SE kao prilazni put parcela evidentirana po gruntu kao k.č.965/15 površine 67 m² iz z.k.ul.2409 u k.o. Donji Vakuf, a po katastru kao k.p.1949/6 iz p.l.565 u k.o. Donji Vakuf.

3. Naknada za utvrđeno pravo vlasništva građevinskog zemljišta društvene-državne svojine utvrđuje se u iznosu od 2.700,15 KM (slovina:dvijehiljadestamsto 15/100 KM) i to kao:

- naknada za dodjeljeno zemljište 229 m² 1.110,65 KM (slovima:hiljadustodeset 65/100 KM)
- naknada za pogodnosti 1.589,50 KM (slovima: hiljadupedstoosamdesetdevet 50/100 KM)

Utvrđeni iznos naknade imenovana je dužna uplatiti na žiro račun općine Donji Vakuf, broj: 101133000006907, vrsta prihoda 722431 otvoren kod Privredne banke Sarajevo-Poslovnica Donji Vakuf i to odmah po pravosnažnosti rješenja.

4. Zemljoknjižni ured Općinskog suda Bugojno i katastar općine Donji Vakuf će na osnovu ovog rješenja, prijavnog «A» i «B» lista u zemljišnoj knjizi izvršiti brisanje dosadašnjeg korisnika, te upis prava vlasništva na zemljištu iz tačke l.dispozitiva u korist JOVIĆ ĐUKA r.Gajić kćeri Laze iz Banja Luke sa 1/1 dijela.

O b r a z l o ž e n j e:

Vijeću općine Donji Vakuf putem općinske službe za geodetske i imovinsko-pravne poslove,obratala se Jović Đuka iz Donjeg Vakufa,nastanjena u Banja Luci

sa zahtjevom da se utvrdi da ona kao korisnik porodično stambenog objekta izgrađenog prije trinaest godina ima pravo vlasništva na zemljištu društveno-državne svojine pobliže, opisanog u tački l.dispozitiva rješenja.

Uz svoj zahtjev imenovana je podnijela propisanu dokumentaciju.

Postupajući po podnesenom zahtjevu imenovane, nakon izvršenog uvida u urbanističku saglasnost broj: 07-23/02-442/03 od 3.6.2003.godine izdate od strane općinske službe za stambeno-komunalne djelatnosti i prostorno uređenje utvrđeno je da na parceli k.p.1949/2 dozvoljena sanacija izgrađenog stambenog objekta, te formiranje građevinskog placa i pristupnog puta. Uvidom u izvod iz posjedovnog lista na k.p.1949/2 iz p.l.565 u k.o. Donji Vakuf I utvrđeno je da je korisnik navedene parcele Jović r.Gajić Laze Đuka. Zbog navedenog općinska služba za geodetske i imovinsko-pravne poslove je na licu mjesta, a u skladu sa izdatim Rješenjem o urbanističkoj saglasnosti izvršila cijepanje zemljišta. Po izvršenom cijepanju utvrđeno je da se građevinski plac sastoji od dvije gruntovne parcele na kojoj je izgrađena stambena zgrada i gruntovne parcele za pristupni put. Uvidom u zemljoknjižoe izvatke Općinskog suda Bugojno utvrđeno je da na k.č.965/13 površine 113 m² uknjiženo pravo korišćenja na Jović Đuki ž.Bogdana iz Banja Luke sa 1/1 dijela, dok je k.č.965/16 površine 229 m² upisana OPĆENARODNA IMOVINA sa 1/1 dijela. Pristupni put je formiran od parcele k.č.965/7 i formirana nova gruntovna parcela k.č.965/15 sa upisanim pravom korišćenja na podnositeljici zahtjeva.

Obzirom da je porodična kuća podnositeljice zahtjeva izgrađena na dijelu zemljišta društveno-državne svojine na kojem je izgrađena zgrada bez prava korišćenja zemljišta radi građenja površine 229 m² nužno je bilo u skladu sa članom 61. Zakona o građevinskom zemljištu Federacije Bosne i Hercegovine, a kojim je regulisano da će Vijeće općine utvrditi pravo vlasništva, na građevinskom zemljištu državne svojine na kojem je izgrađena zgrada bez prava korištenja zemljišta radi građenja za koje se može naknadno izdati odobrenje po odredbama Zakona o prostornom uređenju, riješiti kao u tački l.dispozitiva Rješenja.

Odredba o naknadi za utvrđeno pravo vlasništva zasniva se na odredbama člana 61. stav 1. Zakona o građevinskom zemljištu Federacije kojim je regulisano da će se graditelju priznati pravo vlasništva na građevinskom zemljištu u državnoj svojini, uz obavezu plaćanja naknade za dodijeljeno građevinsko zemljište na korišćenje i za uređenje građevinskog zemljišta,a njena visina je utvrđena na osnovu člana 2., 4. i 6. Odluke o osnovama i mjerilima za utvrđivanje visine naknade za dodijeljeno građevinsko zemljište,uređenje građevinskog zemljišta i naknade za korišćenje gradskog građevinskog zemljišta ("Sl.glasnik općine

Donji Vakuf", broj: 5/98,2/99 i 4/01).

Imajući u vidu činjenično stanje utvrđeno u postupku, odredbe Zakona o građevinskom zemljištu, kao i odredbe navedenih općinskih odluka, konstatovano je da su ispunjeni zakonski uslovi za utvrđivanje prava vlasništva na zemljištu državne svojine u korist podnositeljice zahtjeva, te je riješeno kao u dispozitivu ovog rješenja.

POUKA O PRAVNOM LIJEKU: Protiv ovog rješenja ne može se izjaviti žalba ali se može pokrenuti upravni spor kod Kantonalnog suda u Travniku u roku od 30 dana od dana prijema rješenja. Tužba se podnosi neposredno navedenom sudu uz dva primjerka.

Broj: 01/1-31-1827/03
Donji Vakuf, 19.11.2003. godine

PREDSJEDAVALJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakufje, na sjednici održanoj 19.11.2003. godine, usvojilo

ZAKLJUČAK
o prihvatanju Izvještaja o izvršenju Budžeta
Općine Donji Vakuf za period 01.01. do
30.09.2003. godine

1. Prihvata se **IZVJEŠTAJ O IZVRŠENJU BUDŽETA OPĆINE DONJI VAKUF ZA PERIOD 01.01. DO 30.09.2003. GODINE.**

2. Ovaj Zaključak objaviti u "Službenom glasniku Općine Donji Vakuf".

Broj: 01/1-14-1819/03
Donji Vakuf, 19.11.2003. godine

PREDSJEDAVALJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakufje, na sjednici održanoj 19.11.2003. godine, usvojilo

ZAKLJUČAK
po Strategiji poljoprivrede Općine Donji Vakuf

1. Ponuđena Strategija poljoprivrede Općine Donji Vakuf vraća se Službi na doradu, uz obavezu Službe da: iz vođene diskusije upotrijebi sve što je bitno i

karakteristično za ovu oblast; kao polaznu osnovu uzme Strategiju poljoprivrede na nivou Kantona odnosno ono što je po toj strategiji predviđeno za Općinu Donji Vakuf; koristeći nauku i struku uradi Strategiju poljoprivrede za Općinu Donji Vakuf.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-24-1826/03
Donji Vakuf, 19.11.2003. godine

PREDSJEDAVALJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakufje, na sjednici održanoj 19.11.2003. godine, usvojilo

ZAKLJUČAK
po Informaciji o stanju eksploatacije i zaštite
šuma na području Općine Donji Vakuf

1. Informacija o stanju eksploatacije i zaštite šuma na području Općine Donji Vakuf vraća se podnosiocu Š.P.P. «Koprivnica» Bugojno, a Služba za privredu i finansije se obavezuje da na bazi vođene diskusije i iznesenih prijedloga, stavova, pitanja koja su postavljena a nije dobijen odgovor, sačini adekvatan materijal i proslijedi ga Š.P.P. «Koprivnica» Bugojno i Vladi Srednjobosanskog kantona.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-26-1828/03
Donji Vakuf, 19.11.2003. godine

PREDSJEDAVALJUĆI OPĆINSKOG VIJEĆA
Hadžić Džavid, dipl.ing šumarstva

Na osnovu člana 32. Poslovnika o radu Općinskog vijeća Donji Vakuf ("Službeni glasnik Općine Donji Vakuf", broj: 1/98, 3/98 i 2/01), Općinsko vijeće Donji Vakuf je, na sjednici održanoj 19.11.2003. godine, usvojilo

ZAKLJUČAK
po Zahtjevu Institucije ombudsmena Federacije
BiH za dostavu Izvještaja

1. Općinsko vijeće se, po Zahtjevu Institucije ombudsmena F BiH za dostavu Izvještaja, danas ne može izjasniti. Da bi se Vijeće definitivno izjasnilo po ovom pitanju potrebno je da mu se dostavi: Odluka upravnog odbora Javnog preduzeća za stambeno komunalne djelatnosti i prostorno uređenje Donji

Vakuf, Zaključak vijeća, podaci o: broju prodatih stanova, vlasnicima tih stanova i broju naplaćenih taksa.

2. Ovaj Zaključak objaviti u "Službenom glasniku Općine Donji Vakuf".

Broj: 01/1-05-1829/03
Donji Vakuf, 19.11.2003. godine

PREDSJEDAVAJUĆI OPĆINSKOG VIJEĆA
Hadžić Džavid, dipl.ing šumarstva

SADRŽAJ

Red
broj

1. Rebalans Budžeta Općine Donji Vakuf za 2003. godinu	1
2. Odluku o podacima i uslovima za izdavanje urbanističke saglasnosti	4
3. Odluku o zabrani građenja na lokalitetu "Bagina strana"	6
4. Odluku o izmjeni Odluke o načinu vršenja tehničkog pregleda objekata i određivanju troškova tehničkog pregleda	9
5. Odluku o davanju saglasnosti na cjenovnik komunalnih usluga J.K.P. "Gradina"	9
6. Rješenje o utvrđivanju prava vlasništva građevinskog zemljišta za Jović rođ. Gajić Đuku	12
7. Zaključak o prihvatanju Izvještaja o izvršenju Budžeta općine Donji Vakufza period od 01.01. do 30.09.2003. godine	13
8. Zaključak po Strategiji poljoprivrede Općine Donji Vakuf	13
9. Zaključak po Informaciji o stanju eksploatacije i zaštite šuma na području Općine Donji Vakuf	13
10. Zaključak po Zahtjevu Institucije ombudsmena Federacije BiH za dostavu Izvještaja	13